



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛХАД НАДИБЕРҢА

СИ" ИВ ЯЛХАНА НОПОЙ" СЕРТАБИВА"

Мэбета вадава" ила' панан' етри' мэква"! НЯРЪЯНА НЭРМ



№ 51 (5273)
2025 по'
декабрь иры'
20 яля
СУББОТА

Российская Федерация Ямало-Ненецкий автономный округ



Сидяңг: Нонна Салиндер тавы

Ва"лэй не

3

Едэй няд"мадо' ҥадимда

Тюку та' округна" серо минрена", ты пэрти" няби халям' хадабади" серо тасламбада", ҥэрм' тер" серо тидхалембада департамент' тер", мал' җобансер' җедалёрҥаць. Пыдо' халям' пэртия ненэцие тидпой' лаханакурць ня"ҥаць.

есямдо' 12 ёнар" җэсонд' нядангудо'. Нопой мяд' тер' е"эмня сидя лад' паным', спасательной жилетм' мипаңгу". Теда' тикы манзаямдо' тамна нерня минредо'. Ненэцяңгат намдавыдо' саваркавна тасла"махадандо', мэйра"махадандо' тад тованда похона ялян' җадимдемба пяңгудо'.

Тандая' җани' җопой серм' вадеть пяць. Җани похона Ямалхана халям' хадабади" няд"ма, «рыбацкий капитал» нубета җадимзь

пиртада. Ёрти" ня"марпада няд"мам' җокамдава' нямна җэрм' тер" серо тасламбада департамент лаханавысь. Ма"ним", халям' хадабади" няд"мам' я"мидхы илебцамдо' минрена", халям' хадабадаңэ тарана" ня"марпа пиртадо'. Халям' хадабади" едэй няд"ма җадимья тедари' тэри вада. Ханзер" таславадо' пунси. Ёртяха"на лаханакурмандо' пуд пуномда.

Анна Яптик' падвы



Сидяңг: Марина Яр' тадтавы"

Яна" тиңгивна җеда ёрти" хардаха" тэворҥаць. Ядэрмандо' мальҗгана ненадовна похо" иринато' невхы илам' нёдана хонрамбиць. Няндо' тарця вадам' мэ"ҥаць: «Җамгэ' нямна иламда" несэймдарка, савумдарка тара. Хурка нядангосэй нянанда" тарава' сер' җа?». Ёрвона" ёртяхат мале җока сава и' ядэрабцом' намдавыць. Харто' невхы иландо' саирм' нёдана" мини-электростанциям' тэмдабто', пуны' ня"марпада есяндо' җокад 18 ёнаркад, 30 ёнар" җэсонд' җокманзь мэ. Бензиндамдо' тэмдабто', пуны' ня"марпада



Манзаидо' тасламбавы"

Ямална" серо ня"амбада" депутат" яханана" Җэрм' тер" илам' савумдамбава' серо" нямна тасалкурҥаць. По' ямбан' сертабавы манзаидо' җока нито' сякана вадё"ядонзь.

Ты пэрти" серо тидхалембада комитет' тасалковахана ханзер" җэрм' тер' нядабада программа' манзаравам' манэ"сарҥаць. Сидя по манзара"мидо' намдараць. Тикыдо' тет' ян' тярмы", җопойдо вадам', ила' саирм' лэтрава' нямна җа. Няхар" по' сер' таняю' җопой миллиардхад вата есям' мэ"мы".

Вадидо' тарем' таслэйдо': программа җэрм' тер" ед' таром' ха"аврамби. Вадавнато', ненэцяңга"нана" сиддо' нядабавадо' нянандо со. Ненэйвана җарка няд"маңэ вынд' ерво тэвормам' тасламби". Тикахана вы' тер", нядэна" иланганандо' җамгэ таравам' тидпой' хэтыбидо'. Тюку яля' пиркана мале ёнаркад вата мяд' тер" мяд' җанэдыр"

пирувна няд"ми хомби". Тохолкода" илебей" ненэця" таңга манзаидо' тохоламбавандо' е"эмня җани' еся" нядангосэй мэ"җа". Тандая' тохолко хэвандаха", мюсерта" ненэцие" ню" җэбто', 80 ёнар" есям' тамби".

Интернет' мутра танияб", тарця" няд"ми ня"марпава' няю' падродо' мер' серта пирьядо'. Тикы' няю' «Ямал" нубета мутра тания. Җани похона җани' җоб" саць тарана, вадина" лэтравана" е"эмня җеда серм' җадимдемби". Ва"лэйвана ненэй вадам' теневана" «Яндекс. Переводчик» мутрам' вадаха"на пандамбаңгудо'. Тикы саць җарка манзаяңэ толы.

Ила' саирм' лэтрава' няю' җани' җока җамгэм' тидхалемби". Лаханако, я' ва"ал мэта" сюдбала ненэцие ненадумдамби". Җэрм' тер" вади теневана" е"эмня хуркари" пирдырма" тания". Хынота", тарана" тикы нито' поңгана җани' мэ".

Галина Кинчина' падвы

Җока нюм' вадабади" е"эмня

Ямалханана" илена" җока" нюсавэй" не" ня"марпада страховой" пенсиям' несэйвана толаңгудо'. Җокаркавна есям' ня"марпаңгу".

Җарка пэвдей иры' нюртей яляхад тарця серм' җадимдець. Самляңг, тамна җокамбой нюм' вадабада" не" е"эмня сертавэдонзь. Җанисэйвана таславы" есьдо' едэй тованда по' лимбя' ирыхына ня"марпа пяңгудо'. Манзарана" не" җаябэй җацекрыто" вадёдаван' мяк"нато' мэва" подо' манзарава подандо' толёда". Россияна" социальной фонд' сайтхана тарем' sfr.gov.ru/grazhdanam пады. Таминдо' тания падродо' җедабтабто' тара. Тикы' хавна «Госуслуги» сер', МФЦн' пыхыдадо' пада пирьядо'.

Таддикахад 2026 похона яра иры' нюртей яляхана тандая' нюдо' соявы" не" ня"марпада есям', җацекры" е"эмня ня"марпада" есь җани' несэймдаңгудо'.

Яханана" хусувэй по' җамгэри", җавар" мирад" етри' җокамдана". Җадьбята яна" серо ня"амбада" ерв' няданго ня"марпада" есь' толырм' яңгамдамбидо'.

Руфина Окотэтто' падвы

Хабартаңгу”

Шурышкарской районхана тандаярка хабарта пэйдаць. Тюку по’ танияна харто’ илена” ты пэртя” тыдо’ хадабаңгу”. Яханандо’ етри’ тарем’ яноць хабарта”. Тикыдо’ МСП «Мужевское» предприятиян’ мипидо’.

Нара’ няна җахакуд тыдо’ хадаван’ харвана” падро падвыць. Җокханда самляңг юр” тым’ ватормыць. МСП «Мужевское» ерв Сергей Сизиков мась:

–Тюку по’ тянэвна тым’ хадаңгува”. Тына” лэтраван’, вадаван’ харвэйна”. Сидя по’ сер’ тына” җокамдамбаңгуна”. Теда’ 5340 тэхэд 7500 ёльцянд’ җокамдаванзь тасламбина”. Тикы’ няю’ маня” тет ю” хорам’ тэмдабна” тара”. Тарцядава” «Байдарацкий» совхозхад хоңгува”.

Районханандо’ җарка пэвдей иры’ пудана яля’ җэсонд’ тыдо’ хабартыдо’. Планаханандо’ няхар” ю” сиднет тонна ты’ җамзам’ җыдабато’ серо”җа. Хабарталвахана сидя ты” лекар” җамзи манэ”саръяди’. Нядаңгодаңэ хасава ю” ненэця” манзара”. Предприятийд’ тыгто’ җамзи янд’ терха” мирдапидо’.

Нэrm’ сей’
ири сиддо’
майбтаңгу

Я’ ханярина мал’ җэб”на” җатенава”. Тадри’ едэй пом’ ядабтаңгува”. Ямалханана” җод” җобтики хады” хэвхана җацеке”нидо’ хоңгу”. Округна” җэвахы ерв тохолкоди җани’ маябтаңгуда.

Тюку по’ округна” җэвахы ерв’ хадын’ няхар” юр” җацеке”м’ җате”. Тикы’ сянакубцдо’ җарка пэвдей иры’ 17 яля’ җэсонд’ мэйдонзь. Таня’ тованда” - сайнорта” ненэцие” мяд’ тер” ню”, евако”, ханяңы” Волноваха’ няд җа”. Тикы” поңгана сававна тохолкода”, хуркари” пирдырмаха”на нерня’ ха”морта”, мято’ тер җока”, тамна җани’ ненадо” хибяри” мэңгу”.

Җамгэм’ пэрмамдо’ мале җахакуд тасладонзь. Тэхэ”на җани’ җэдалёлтамбаңгудо’. Хэвандо’ нерня хусувэдо’ тарана җуда’ терм’ ня”маңгу. Таңок по” Ямална” җэвахана мэна ерв’ хадым’ манэ”манзь җоб” ёнар” самляңг юр” җацеке” тэвормысь. Тикамдо’ мале самлянзимдей по’ ямбан’ минредо’.

Марина Ярой’ падвы”

Си”ив юдимдейм’ ми”җа”

Едэй по’ хэбидя ялэ” това’ нерцюна Пэ” хою” няби Тасу’ я’ вымна мюсерта” нина” мяд’ җамгэри ня”амвыць. Тарем’ «Чумовой капитал» нубетам’ тюку по’ ня”амвы җобт’ толаб”, җокханда си”ив ю” җэвы.

Нюртеюм’ нядаңгосэйм’ Приуральской район’ җэвахана мэна ерв Марина Трескова мипвэ-дась. Алексей няби Наталья Лаптандерха’ ня’ ми”мыдась. Пэ” терха’ няхар” хасава нюди’. Нюдякоди’ тюку по’ неняңг” ирыхына соявысь. Пыди’ ты пэртяха’ похо” мюсерҗаха’. Тев’ ёльцяңгана Си”ив Харвм’ нубета харад’ хэвхана җэвадаромбихи’. Җани” ты пэртя” тотрев’ сямян есямди’ тыти’ җамзарихина хомбиди’. Җавнанда небянди’ мякана илевэхэ’, теда’ харти’ мяти’ җадимя. Нянанди’ җацеке”хэюти’ няна ханя сава, тарця няд”ман’ малмбой’ маймби”. Таддикахад пыдо’ едандо’ җэда мято’ пеля си”ив юдимдей.

Нябиюм’ мяд’ җамгэри Тасу’ я’ җэвахана мэна ерв Виктор Югай’ җудахат, Алексей няби Светлана Салиндерха’ ня”амвэди’. Пыди’ сидя хасава нюди’, нюдяко не нюди’ тания. Алинакоди’ тюку по’ ты саполана ирыхына соявы. Нядаңгосэйд’ нянандо’



Сидяңг: t.me/Ugai_VK няд ханавы

Едэй по’ ед’ җэда мядонзэйраха. «Балок»анди’ хавна ненэй мяцавэйха’ җэңгуху’.

Округханана” «Чумовой капитал»м’ 2021 поход мипидо’. Ямална” җудандана’ ватовна сертадонзь. Теда’ җэрм’ тер” не-надо нядаңгосэйңэ толы. Тандая’ мяд’ терңэ хэвы”, сидя нюм’, тикэхэд җокарка җацеке”м’ ховы” ед’ таславы. Ня”марпадидо’ мал’

мюсерта” ненэцяңга”на тарана җамгэри”: хор”, җу”, ея”, хан”.

Тарця няд”мам’ ня”мава’ е”эмня падро ма”ла тара. Тикахад районхана җэда серо пэлава’ мят’ хэсь серо”җа. Хусувэй хардахана тарця серо минренидо’ тания”.

Анна Яптик’ падвы



Сидяңг: t.me/treskova_ma няд ханавы

Сидяңг: Марина Яр’ тадтавы

Ява” лэтрамбада” нина” е”эмня

Тандая’ Салехардахана ява” лэтрамбада” мяд’ тер” ма”люрмыць. Мякто’ ныланаванзь товы” җани’ мэвыць. Нянандо’ тараванда” серо тасламбавыць.

Тарем’ лаханакованзь ма”люрмам’ 2023 поход «Ямальские новогодние истории» нубета проект’ сер’ минредо’. Хусувэй по’ җарка пэвдей ирыхына Округна” «Законодательной Собрание»’ мякна мэцетыдо’. Таняна тохолкода” җацеке” е”эмня хуркари” мэкад җамгэ сертабасеты”.

Теда’ депутат’ нермбэртя Сергей Ямкин ява” лэтрамбадина” мяд’ тер’ ядабтавысь. Тасалковандо’ сер’ мядото’ мюй савумдава’ е”эмня җадимдевы” есь”, тохолкода” нюдо’ нядабава’, сеҳэрыто’ мир”, тамна җани’ җаво” нямна хонарковыць. Хибяриндо’ хэтувандада таниявысь. Таддикахад вэсакуто’, нито’,

нүдо’ ханзер” җани’ яхана тоенана серкана мэвам’ ваде”мыць. Сергей Миронович няддо’ тарем’ лаханавысь:

– Саляңгардана” сайнорти” мяд’ тер” Советхана мэна” җани’ похона Волновахан’ тарана” нядаңгосэй ханаван’ харва”. Тикы’ серм’ җани’ таслаңгува”, сертаңгува”.

Ненэсянда яханана” нядаңгован’ харвана” тания”. Җани’ яхана мэнина” етри’ нядабина”. Хусувэй хибя таром’ ха”аврамби. Тандая’ Андрей Кугаевский «Ежата» нубета нядаңгоди” мэлвахана тарана” җацеке” ядабтавысь. Тохолкода” җэдараваанда” җамгэри ма”лавыць. Мале җока ларасм’ пандавыць. Җани’ яляхана СВО’ няю’ җэдараңгудо’. Мядото’ хэвняна мэна” няханана” етри’ җамгэри” тара”.

Руфина Окотэтто’ падвы

Џобңгэв' вырэй"

Ѓарка пэвдей иры' нюртей си"ив яляхана Алушта хардахана «Кубок Содружества» ңась. Та-няна тодо" я' тер" ма"люрґаць. Ѓокханда си"ив я' лабак' ед' сянакуць. Маня" Ямалхадна" ңани' тания' ядэрґаць.

Яна" тер" Республика Крым' няна ңока ныхым', вырам' манэ"лабтавыць. Ѓани" ялэто' тотрев' нерня' ха"амвыдаць. Пыдо' сидя явна пирдыр-мыць. Сиддо' тарем' тярмыць: ңаркамбой" не" няби хасава", 16-17 похона мэна" ңацеки". Белоруссия, Сербия, Индия, Камерун, Республика Конго яхат ңэдахана" сянаковыць. Няхар" сянакубци ңэвы: ңопой яхад няхар" мэва санарма, тубкам' моёпава, яркулава.

Сяманхат тубкам' ңаха" мовы Виктор Сегой, пыда Пяку" Яхад ңа. Сергей няби Юрий Лаптандерха' ңобкана яркулавахана ва"лэйха". Ѓопойюм' Яр-Салья' выңгы' тер, нябиюм' Пэ" хою" няд ңа. Тасу' яхад ңэда Юлия Молодых тубкамда тид" мовысь, тикахад вадисей няби маханяңы ңудахана тубкам' моёпа пир"мэда. Ѓадьбята сита нябимдей, няхаромдэй ян' мэвы". Вадим Худи тюрм' яркыбавахана няхаромдэй. 16-17 пота" поңгана Александр Худи няби Иван Салиндер яркулавахана ва"мэхэ". Александр – нябимдей, Иван – няхаромдэй.

Юкад вата нюртей классахана мэнам' Вадим Худим' хонрам-бидамзь. Пыда тарем' лаханась: – Мань тарця пирдырман' сяхаңгарт' нидамзь ядэр". Ѓока ехэрана ненэця" торомдадм'. Ехэрана ям' манэ"мами ихинани ёльце сава. Танияңы яхана те-в' ёльцяңгана иба. Явандо' и" ни ханивор". Тэрихив таңы' ёльцяңд' тэвна то"олхынаць. Несэй сянакубц няна" ңадимдембиць. Тубкам' ңули" мер' моёпа то-ходанаваць. Ядэръява" сававна мэ"ґава"!

Яр-Саляхад нянанда ядэрмы" нида – Иван Салиндер, Алек-сандр Худи, Валентин Сэро-тэтто. Пыдо' мал' юдимдей классахана тохолку". Сиддо' тидхалембадахаюдо' Пудако Сэротэтто няби Татьяна Баран-гулова.

«Кубок содружества»м' нyo-бета пирдырма тодо" тэнз не-нэцие ма"ла. Ѓобт' тэвавы" ненэця" нидо' торомдамбавы". Няхато' харто' тэнзато' сянакубц ңадимдембавы", вадэ"мы". Маня" нина" ңэрм' тер" сянакубц" ням-на лаханавы". Юнхавамдо' ё" ханяримна ңэдаравыдо'. Теда' хусувэй я' вакхана сёбарна" те-невэйдо'!

Анна Яптик' падвы



Сидяңг: Нонна Салиндер тавы

Нями хой мякананда сэдора-высь. Ма"нисяв:

– Со"окм' сэдыбидм'. Харта ңод" со"ок сяманхат тоенана ңамгэ. Ненэй ты' хобахад сава ңамгэ яңгу. Овчина"я ңани' тэри хумбанзьяда ңэвысь. Небо' хасава нюни мальцяд тарцяхад сэда-дамзь – волтадась. Ма"нисяв, тець"яґа. Мядона" Ямбург' няна ңа". Вэсакони ня' тедари' сидямбойни", нюни" школахана тохолку", ңанидо' манзара". Си"ив нюми. Хар"на" Паюте"э' терґэ толыва". Тарабата хардан' еся' ханхана ңэдалёрцетыва". Нумма" яханана" мерця, етри' хад, теци, небо' ибась. Тына" мято' хэвхана хадырґа". Вэвако нумгана мяк" турта яңгу. Тецьдахана ненэця" мяканандо' мэ", тарабата тэридо' вэдэ"пи". Тадри' ңарка хасава нюми школахад папана-да хосаяңгу. Ѓахакуд паныдо' ңанэдамбидм'. Буранахана 140 километр' пиркана Паютехэд тэвраңгуда. Нядна" Ямбургтей хахаи. Нюни" Хальмер" Седе"эн' тэвраван' харвэйи", Паюте' няю' ңэдалёрць пэдакабты.

Мань хар"ни еркарами Яптой. Паютехэна Яптоґэґэ ңавнанда Ңэдя' терва". Таремґав мюсе Ензя' няд товы" ңэрха". Паюте-хэна Яптоґэґэ тянёва", ңопой мяд' терва". Ѓацеки ңэдахани сё мэ"ман' харвасетым'. Школахана хоран' ядэрцетым', танияхавана

Ва"лэй не

Нини' мале ңахакуй поход теневины', харта ңод" ңавнанда ңопой я' терни". Ѓули" нямба-ра, сёётэй, лаханакула, мел' не – Нонна Салиндер хойхана тэхэната мюсерґа. Сава юнм' намд"махадани нянда лаханадамзь.

луца сё мэцетыва". Тальцюна сини ңар" нини" мал' ңэбато' тохолкованзь тю"у' няңы ян' хаяць. Ѓули" хамзасетын. Сё мэтаґэ хэван' харвадамзь. Хойхана си"ми нини" хаець. Ѓобаңгуна «Сыра' сэв» ансамбль' тер' тараванзь турґаць. Та' мальґгана ини ңыламна ма"ни-сядам": «Сяхари' мань сидто' тотрев' ңани' сём' мэтадм'. Та' мальґгана тебкабцом' мэ"ґадамзь, ңадьбято' си"ми хойхана хаець. Тикы' пуд таде-бя си"ми савумдась. Си"ив по' ямбан' хаңгурмадамзь. Таде-бя ма"нисяв, ңавнанда невхы иринана" мэтормы". Помнандо' тынзям' пидвы", сидя Яптоґэ вэсакохо' тынзямди' матормэди'. Тынзя си"ми сохомдамбавы. Тадебя ма"нив, ёңгандатяхана луца хэхэ ңэбата тара. Та' ёльцяңгана хэхэ лапка вуни тания", ириеме хубт ложкахад крестм' сертась, тикакоцями капрон ниткахана минарґавась. Пуна вадамбой' хаңгурць ңэвадэйваць. Пуна ирива" пензеретаванзь мякана" ханзетыва".

Ңани ңоб" иле"мя сэвни" тя-хад тарця ңэвы. Нара' няна ңэсы' тер" хасава" ни"манда яхадей ханаванзь хэвы". Мяка-на вэсако", пухуця", не" хаёвы". Ѓобґэ хаё"махадандо' я' мядота пявыда. Сян' яля' ямбан' таңгм' юрвэдо'. Сеяңдо' пина ханзоси" илевы". Хадами я' мядотан' ма"мы: «Тад' нерня не ңацеки соя"бата нянд сяраңгу». Тарця вади намда хакэця хэвы. Ти, пивня ядэртан' си"ми сярвы". Тикым' юдэрць манэ"сарцетыв. Хаюпа хэвани мальґгана хада-коця хано няби ня' ярэйдась. Е"эйдани Яптойґад соявы не ңацеком' сяраць. Тальняхав'

ңэвадэяць. Е"эйдани ненэць' сярбата таравакы.

Тикавахад ет' нюни" ңадимья", сэдоравани сер' ини ңыламна хыноцетым'. Мяни тер", не-бянани", нисянани", мал' сё мэта" ненэцяңзы. Етри' харе" мэб"ни сёкоця мэцетым'. Сэдоран', ла-ханаку мэтаха" инзелен', вадидо' ңэванд мю' ха"морґа". Хусувэй вадакоцидо' ңобт' ма"ламбид. Тарем' нюни" ңарма' сер' хур-кари" конкурсха"на пыхыдами манэ"лабтамба пядм'. Надымха-на, Хальмер" Седе"эхэна, Паюте-хэна хыноцетым'. Москвахана «Сокровище Севера» ярмарка-хана мэдамзь. Тедахав' мале нyo-мами тания. Нерцубт' Тасу' яв' терхат тарця нyoбе ня"марпавы" яңгу". Мань нерденадм'. Хойхана мэвами си"ми нерня' нэкал"мы ңэңгу. Невхы илми нёдадм', ханяри' ңэдалёрґадм'. Салехар-дыхы «Душа тундры» нyoбетан' хэван' харвадм'. Небо' си"ми мале тания' хаґаць. Тарем' нись ерев". Не' манзаини" вэңгохона несэй сёдми ма"ламба пяңгудм'. Невхы сё" пелдо' хар"ни тамна' тяха' тэврамбин'. Сёдо' тарця": ңопой, сидя вада ңэңгу, ти-кыд вэрдамбин'. Таңгавани сер' мэцетын'. Вадамбой' па-дыбаңгун'. Ибетахани падарт' тэврамбаңгун', няби яңорэй' толабани – ңани' едэй ңамгэхэвм' мэңгудм'. Ненэй ненэцяңэ поң-ганана" хынотава" тянё, маси" таниянакы", сядоларютанакы", мюняңдо' такалпидо'. Ябе сё-хортар – сё ңы" нив". Невхы ненэця" сёңзито' мюня талёдидо' вадэ"мы". Нерняңы" ялэдо' ва-дета".

Тарця сава не тюку по' не-нэй ненэцяңэ поңганана" ла-ханакулаґэ таслаць. Нонна Салиндер' Яптойхат соявы ея мякананда ябти сёда тедалахана со.

Марина Яр' падвы



Сидяңг: Марина Яр' тадтавы

Ѓамгэхэртад ниня пинна" поуганана" мэ"



Сидяг: Марина Яр' тадгавы'

Тюку по' ям' лэтрамбада" нямна, җамгэхэртм' ниня пинна ненэц' няю' таславы пом' мэ"җава". Маня" тикы' няю' хэбидя по манэ"мы", палевы" ненэцие тензебтембива". Пыдо' җавнандо' сайнорта" нидо' нядаба манзарац. Тикы" нито' хэвхана җацекы" ныхыдо' нись сая" җани' таром' ха"аврамбиц. Җарка сайнорма" по" җэва тяхари' миҗа. Тамальҗгана илевы" ненэц' тяню"мя". Теда' иленидо' техэ" похо"на ханяҗыдо' тамна җацекэц.

Тэри җабцата ими ядэрцеты: невхы похо"на, хэбидя сайнормахана вамбортана" по" мальҗгана, җацекы" ханзер" илевакы", җамгэ ил' сэхэн' еребермакы"?

Ямал' тер" ненэц" 21 маҗгты" ирыхына 1941 похона вэва, пилкабтада вадам' җобтики намдвы" – саю" манзадавы". Ненэц" тикы по" тенейдо', җобтики таҗга нивы" иле", иландо' тоенавы. Саҗговота по" нямна теда' җарка ненэцҗгат намдорҗава". Мянә" тер" вадецетыдо', книгаха"на, газетаха"на толабина", хардана" тер" вэсако-пухуця" иле"мидо' тензебтембасеты".

Салемалм' нубета хардакоханана", җопой мяд' терха' илеҗаха' – Езанги еркарем' мэ"җаха". Теда' җармы вэсокохо', пенсияхана мэҗаха'. Езанги Хэвко, 1934 похона, нара', Пуйко хардахана соявы. Пухуцяда, Анна Каневна, җэрё', 1935 похона, Пэ' хэвхана соявы, харданда нюм' - Янги – Юган. Мань тикы сидя мяд' тер' ненэцҗг' нямна паднадм'. Пыди' саюхана мэ"мади' юҗгу. Тамальҗгы похо"на җацекэхэ' җэвэхэ'. Вэсакохо' няни' җарка, тоенана" саю" по" мальҗгы иле"мамди' ваде"җаханз.

Хэвко Езанги 1937 похона мяд' тер" ты пэртҗэ таравы. Пэ' сяд җылувна мюсермы". Сававна илевы", тыдо' мале сян җэвы". Сяны җэбта җод" нисямда палытана" сярвэдо', җарка хардан' ханавэдо': пуна Воркута' няю' ханавэдо'. Нисянда хавна тыто' җока пелям' ханавы". Хэвко нида тене", няхар" пода җэвы. Пуна, җаркомбойҗэ хэванда сер', небяда нюхута тарем' ваде"мэда: колхоз' ты" хадырц' ям' Езанги' мяд' тер" ты" танпавы", хадырмы".

Сидяг: Елена Салиндер' җэдаравы'

Нисяду' такы яха"тата җани' сяхаҗгарт' мятә терха" нивы ту". Пыда таняна сяролава' мякна юҗгумы. Җацекэхэ' нисяси", евакоҗэ хаёвэхэ'. Хэвко' мяд' тер" илдо' тоенавы. Җавэдана, тёняҗы мякна тидянда мяд' тер' илевы". Хэвко' небя хасава няхананда таҗы' ёльцяҗгана ёрманз' җэдалёрмы, сырэй җэб"нанда – тэкоцяхата еванз' хан"мы, есаҗгана ня"амвы ханесэй тэврамбавы.

ИЛАМДА ТЕНЗЕБТЕМБИ

Иландо' саҗговорц' пэвы". Хэвко, җацекы җэбта җод", мякна тэри җамдё нивэда пирас: ес мярыба тоховы. Мяканда носи, тэваси тэволавы. Вэсако ма"нив, небява" евэйҗэ пиресетыда, тикы евэй җавыдм' тамна тене". Матм' пота Хэвко туним' мэц' тоховы, таряхако енерпавы. Таҗы нумгана ёрманз' небянда е"эйҗэ ядэрмы. Школа' нямна хасава җацекэхэ' юрвэхэ', мяти' тер җавламбадаҗэ таралмэхэ'.

Саю" манзадавам' Хэвко җарка ненэцҗгат намдвэда. Пыдо' няркнавы": җарка я' няна сайнорма пэвы". Фашист" маня" ява" тан-

па пявы", енермы", илена ненэц' хаебададо' юҗговы", няюна" вэнзумбась пэвыд". Тикы вадам' намдхава, җарка ненэц" тарем' таславэдо': фронтм' нядабава' е"эмня ныхы" тяха' манзара тара. Хэвко ида ядэрмы: ханзер" ненэй ненэц' нядаҗгода?

Выҗгана илена" иландо' тамна саҗговормы, ты" җамзи, хоба, халя, я' ханесэй – мал фронтан' җэдарамба пэвыдо'. Хонёвдавэй", писавэй ялясавэй тыдо' сава хадо" ня' танабавыдо'. Тыто' җайма' е"эмня сырэй тецёда" помна мюсеры". Таҗы ёльцяҗгана җарка поҗгахана халям' хадабавы". Җаното' лабяхат пеедо' идраҗэ пендаҗгавы". Тамальҗгана, вэсако ма"нив", неняҗг" сидна" тад' лехэбтасеты", вэясипой" хаёва' то"олхава" җэсетыва". Хэвко вэсако җопой манзеты, илма" ёльце тоенась, теда' тую"у' вадёдана" тарця маям' ниц' хо".

Пуйко харад' хэвхана мюсермы". Ты" җамзи, небянда сэдвы" җоба, тобак, хадавы халэдо', мал' колхозан' мипвыдо', таняд фронтан' җэдарамбавыдо'. Хэвко нида тене", сяҗок по' тарем' манзаравакы". Ма"нив, маня" җацекэҗэ сянәкохорта нива" сянәкосету", манзараварими' тенедем'.

Сяны" җэбта җод", хардан' ха"амвандо' сер', ё" тиҗгэвна хэвы маябцо' юнм' намдвы". Луца" җока по' җатевы вадам' тэвравы"! Хасава" сядодо' тэри нюркабтёдаҗэ хэвы", мал' маймбавы". Пин' тарпавандо' сер' Хэвко хамедавэда – я"авкабтада сайнорма җэвадэй", саюхат ява" нэкалмэдо'!

Җар"махаданда Хэвко халям' хадабадаҗэ таралмы", вэсэйманда җэсонд' Пуйковской халязаводхана манзаравы. Иланда ямбан' хуркари" грамота, медаль савовна манзараванда е"эмня ня"марпавы. Вэсако тикыда лэтамбида, хардахананди' җыды".

(Пелямда 5 стр. толара")

Саля' мал' тер'
Елена Салиндер' падвы



Талрава

Невхы по" едэй илаугад яугавы". Теда' талрава' нямна вада ханда. Талрава – носи цобанзер" ня"амрава. Ненэця" манзаянэ мэ"мэдо'. Тамальгана тарем' ниб" манзара еся яугуда. Едэй ил' то"олха нивы жа", хусувэй тоенана цамгэ ныхыхына нэкалада цэвы.

Талрава' нямна «Няръяна Нэर्म» газетан' тамальгы илам' манэ"мы не ваде"жадась. Пыда вэсакогда ня' цэцекыти" вадыр" ямбан', небяхаюта-нисяхаюта мякнатаремри' илевэхэ'. Тюкупавы вадахана талрава' серм' тикы хада' лахарёход тензебтеңгува". Тарем' ивхалпида:

–Тикы серкана ю" сидя хан тара. Таңокцэ хэб"нандо' цод", ханяңэхэна цопойри нохокоцари еремзеты. Юрмянва" цэсетыва". Пунда яңгосеты. Нензел" манзая ни жа", нохор" илена цамгэ нив жа", тикар помнана" ханда. Хане хэванда" ненэй ненэця" нюрте"э" си"ив тэмбойм' си"ивнэ цопой няхадандо' пенда мюд вэрдамбаңгудо', няби самляңг нидо' тэри сырта". Тикы си"ив тэмбойхана цопой нохо' тар" сыраңгу. Хибя нохо' тарм' нэка-

мы цэңгу, тикы неңг пэртаңэ толёда. Ябм' минреңгу. Тикы няндо' е"эмня хибяхарт цани ненэця я"маңгуда, пыда сиципой" нохо" ни" ереберт".

Неңг пэртя няби ю" цэдалёда носи танаба талрава' ёльцяңгана ва" е"эйцэ тара". Тарем' цо" сидда нядабада, са пэртярха ненэця' таяңгу. Неңг пэртянда ня' пыдриди' ханеңгуху', ва"ламаңэ тараңгуху'. Тарем' толаб", носи танабада цэдалё цокхандо' ютё' цэңгу. Неңг тадтикахад сам' пэртян' няби ю" цэдалёдид носи вад" мю' пэртадрев' тунихина едманзэ танабидо'.

Талраванзэ хэвандо' нерня, ненэця" ханзер" ханевамдо' тяхасовна помнандо' таслаңгудо'. Тикандо' е"эмня то' сэрм' хоңгу" тикысипой" тародаяңгода. Ханева' ялядандо' сава ялям' таслаңгу".

Наңэдя цэсыңэ ханевы", хусувэй тарана цамгэрикудо' цули" сававна тасламбавыдо'.

Самляңг ю" нохом' хадавы цэбто', нохо" луцам' харад' няд цэдалё хосаяңгудо'. Тамальгана еся буран" вуни таян", ты" цэрихи"на хубта ян' хосаяңгудо'. Луцамдо' няньм' хосаява' мальгана хандо' пуны' пэндадо'.

Талравари вуни жа", тикыд халта, вэсялмда, пенахатато' хадидо' ха"авра тара". Ненэця" носито' хоб саяркасавэй, варавхана вэсялтемба халтаңгудо'. Пуна яхана мэңгудо', паялаңгудо', тыра"манда пуд мерцян' пин' сыраңгудо'. Тикыдо' цани' тырабта таравы", пунари' вэсяламда". Ва"лерта цока цэвы. Тарем' ханзели" пэр"махад хамбкарха", лидрявраха" сэр" нохокоцидо' цысы' терцэ нохо' луцан' мир-

датыдо'. Сянбой падри нивы жа", царка хабте' хоба тохо" пад' тер" цэвы". Луца нохо тэмдава' пуд есядо' цысы' тер" помна цэртыдо'. Тикахавахад цаврандаванзэ ханда".

Тикы есяханато' хусувэй цамгэм' тэмдаңгу", цаврадо' няби понд' мадаба тэваңгуд". Ненэй' ненэця" харто' помнандо' цобтарем' нохото' хоба няхато' цэмгэхэв" е"эмня мирдапвыдо'. Ненэйхававна - тэвна. Самляңг ты' мирта – ю" нохо, солото' пирувна мире"мы". Теда' есяхана толаб", ю" нохо – юр" сидя ю" самляңг ёнар" есяңэ ханца. Цули" тарана цавар тэмдабавы": юр", сакар", нянь".

Талрава ненэцие иле нядабавы. Теда' есям' недвопа нензел". Цопойриңэ наңэдя цысы' недбям' понхарт ниди нэкалпаңгу". Тюку похона цохортм' хадаба ни тара".

Тюку невхы ваде"мы илам' мале царка не пуда лахарёмда мале"ванда сер' ма"нисяв: «Хусувэй по харта нензелакуда таян", тарем' цо" тоенанида цобтарем' едтембива"».

Татьяна Сэрой' падвы



Цамгэхэртад ниня пинна" поңганана" мэ"

(Нердена пеляда 4 стр. жа.)

Анна Каневна иламда тарем' ваде"жада. Пэ" нямна, Янги-Юган хардако хэвхана мюсермы", тыдо' тянё цэвы". Пыда хавнанда царка некада таявы. Нисяди' тамальгы" похо"на хабцям' мэ"мы. Хане ядэрць, ты" танаба харта нивэда пирас", царка хасава нюмда нянанда ядэлавы. Саю" манзадава' мальгана ненэй ненэцие цани' армиян' ханабавыдо'. Анна Каневна' вадавна, мято' терхат ханавэдо' юңгодархась. Цани цэсыхыт хан"мы" нямна намдормы", ханяңыдо' пуны мякандо', саю" мале"мяхад' нивы" ту". Саю" манзадавам' царка ненэцяңгат намдавэдо', пыдо' вэва юнм' помнандо' ваде"мэдо'.

Цопойм' тене – некада нисянда ня" есха"на цоковна ханесэй тэврамбавэхэ'. Ма"нив: «Хуркари" нохо", пихина мэна" сармик", таряхако" тэволасетыхи"». Таминда некада ханесэйда хардан' ханлавыда, фронт' няю' цэдарабвыдо'. Ханесэй" хавна ты" цамза", халы" цэдакы", мал' мипвыдо'. Тикы няю' некада нянё, муңго, сэрм' тэволавы. Хусувэй ядэрманда пуд мят' тованда сер', манзетавы: «Тамна цокавна ханесэй ханаба тара!». Анна Каневна тарем' тензебтембида: «Хубтахана ёльце мер" юркорцэтыва", нумда тамна пэвсеты. Нисява"

манзеты, мер" юкортари есда ханесэйсавэй цэңгу"». Нисянда вадиди тедалахана тенейда.

Цобңгуна царка некада хардахад сава вадам', маня" яна" вадума' вадам' тэвравы. Армиява" я"авлада цылека фашист" саюв пирдалевыдо'. Цэсы' тер" ёльце маймбавы". Ибедо' яля' ямбан' сава цэвы", нюрцбермы". Ханяңы" нидо' севолпавы". Саберка нись хамедамбю", Анна инда цылна цани' маймбавы.

Анна Каневна' мяд' тер" харад' хэван' цэсовы". Халыам хадабадаңэ некада манзара пэвы". Пыда мяд' манзаям' пэрмы. Некахананда ёрманзэ ядэрмы. Тамальгы" похо"на соявы Анна школан' нивы хань", небяхаюда нисяхаюда нивэди' мис". Тохолковаханан' ёльце харвавы. Тедалахана манзеты: «Тохолкова ёльце тара нив", вадам' хамедамбаңгун', падаркана теневаңгун'. Ил' нерня" миңа, цэцекы" тохолкобто' хусувэй цамгэм' теневаңгу"».

МАНЗАРА ИЛЕВА' ЯМБАН' ТАРА

Вэсакохо' вадавна, манзарахава илева' ямбан' тара. Теда' пыди' соявы пенсияхананди' ныланаңаха'. Харти' нюнди' яңгоб" цод", мяканди' цэцекы" цоб' цюңга пэрца". Няндо' невхы иле"миди' ваде"жаха', теневабцоти' сер' илебей ненэцие тохоламбихи'. Тэри цамдё ниди'

пирас". Анна Каневна тедалахана мадавэсавэй" паны сэдыби, пиби паркыби. Хэвко вэсако невхы иламда вадецеты. Мякнанди', стенка' ядхана, илеванди' ямбан' ня"амвы" грамотади' цыды". Мядондаха" медальди' цадимдесетыхы". Цопой манзетыхы, тикы ненадумда"ма" тэри тарем' ня"марпада" ни жа", савовна манзаравани' е"эмня ня"амвыни".

Ти, мань хардаханани тарця' вэсакохо', пухуцяха' иле"жаха'. Победа' няю', цэцекы цэбти' цод", тарем' манзаравэхэ', ныхыди' нивыди' сэй". Вадёдана" илебей" ненэця" тикым' теневто' тара! Маня" цод" тамальгы" по" цырыбаб"на" ни тара". Техэ поход хаювы яна" тер нядабаб"на" серо"жа. Лаханакое няңэ няп"на", сейханандо' цани' сава цэңгу.

Мань нянани тикы вэсако, пухуцяха' цамгэхэртад ниня пинна ненэцяңг' то"олхаха'. Иланди' таром' мэ"мэди', илеванди' ямбан' манзаравэхэ'. Хынёси' илевана" е"эмня иринана", хаданана" царка таром' ха"аврамбавамдо' тенев"на" тара. Пыдо' няндо' тэяб"на" сава. Тамальгана тарем' ибедормы": «Илма" тароси" нивэва" мэс", вадёнана цэцекэхэ"на" ваде"мандава" таявы, табедавандава" цока цэвы».

Салы' мал' тер' Елена Салиндер' падвы



Ямал Нидин мячисы”

Ямал Нида Пюд дян тайвай. Таньше калват та’амна дятдымат, пы’та пу” та-хана мэтата шелта. Ямал Ёиди чешча дя-хана дидина вёйсыку. Ненэй матамэхэна пытыды паныдю” мэшту, шича чудта, пеньшалта тадя.

Чейня җашки” маймаң мэты, пон калват та’амна дятдышту. Талкан чел” неша” Ямал Нидим «Северный характер» нимита мякна җэтантоньш. Ёука җашки” вёйсыкум мань-содяш тоҗаш”. Ямал Нидим няш шана’куш”, талаҗаш”, хоровод мэҗаш”. Таньше шана’кош җашкиуде” хомана майпиш”.

Ямал Нида мыдичуң җашки” конкурсат «Елка Ямал Ири 2025» шелтаҗаш. Ёука җашкиуди” поңкнатуң мяналяш”. Мяналта” калдытуң җутаханатуң Ямал Нидин катукуң майшалт шелтапиш”. Тай”ня чикитуң куше шелтапёмамтоң, видеон таттай-тоньш. Нидинтуң маньмаң мэты таньше җайтаптайтоньш. Ёука җашки” поңкнатуң мяналяш”. Софья Уланова шеэв пота, пы’та чики конкурсхана мянадыш нэхэдыш. Мя-чисэмта Ямал Нидин җутахат ня’амҗаташ. Мяналды” җашкэхэт җопшел җупдыҗкня



Татма: Андрей Пяк таттамы

җашки” җайван ка’амдыт”. Ёыдитоң ё няхалдыҗкнятоң җупчики деттуң җайта” диплому”, мячисы” ня’амҗаш”. Җашкиуди” хомана майдыташ”.

Талкан чел” неша” поздравиймахатата Ямал Нида җай мансхалаш. Калват” тахана ши’та җэтана” җашкиуде” җука”. Җопшел шитчет’дыҗкня калват” конҗа. Шанат дюл җашки” мячисэт миты.

Ташта

«Ташта» – п’яудехена” шана’кома. Шича җашки шана’коты.

Шана’куч – дяттакомна мемы (15) хамп’яҗк’дыҗкня п’яуди” җайты”. Кунтатоң – дю” сантиметр’ кун. Шана’котахаң няч’ дилт җамтнайхиң. Шана’комч миндена җашки п’яудета чупей пеңкта ня’амнайта. Нянанта шана’кота нядюм җучита вяха” шичан мэны”. Шана’комч минденадюм п’яудета” нянта җучи вяхаха” шичмана пытултайта. Путана җуп п’яудеч пейлашҗа, чикеч нимта – ташта, в’та п’яудеч калдыта җайты. Чикехет шана’комч минденад нянта җучи вяхаха” пытулмайта п’яудета” җай пуняң нэкалтайта”. Шича п’яудим нэкалды – җопта нянта мэны, нимимта ня-ханта миты. Путана, пейлашта п’яудемта няханта хулынаҗата, мантҗа:

– Таштал хинтат, мыдюмана ня’ампёт.

Тай”ня нядюм п’яудета” пента мюң мы-дюмана ня’амнайта”. Шана’комч минденад нянанта җаймы” п’яудета” пеңкдета понт ня’амнаҗа, чикехет педита” маньш выдтам-пюты:

–Ташто туңэй, туңэй, туңэй, д’яңыл шей-мнов’, шеймнов’, шеймнов’! Ташто туңэй, туңэй, туңэй, д’яңыл шеймнов’, шеймнов’, шеймнов’!

Чикехет җокна п’яудеч тонланаҗахаң. Нел’ня таштам ня’ампёмың п’яуди” тон-лаҗахаң. Тонлад’яч – нел’ пейлашта п’яудеч дякуты. Шана’комч миндемы, таштам кап-тампюмы җашкиң п’яуди” поңкат пейлашта п’яудемч’ конҗач. Тал’ямшана’ко җашкиудехең пысанайхиң, мантҗахаң куше таньше кады. Тай”ня җай шана’ко чеп’наҗахаң. Нимидёмл җай шана’комч минденҗата.



Татма: Андрей Пяк таттамы

Нэхэдүмпёш нэхэдыш”

Пуровский’ районхана дидина” мэмыта”, нюңк неша” нэхэдүмпёш пытатуң конудпиш”. Пюд дяхана җайта ассоциацин «Ямал-потомкам!» җалды” җашки” дет тонд’юта Молодёжный’ советхат мэна” Новый Уренгой’ няна дятдыш”. Тань-няна мас-рестлинг’ дет җайта тур-нирхана нэхэдүмпёш мяналяш”. Мяналмантуң мэт Новый Уренгойд’яшанат спортсмен” тоҗаш”.

Ман’я” Пуровский’ районхатна мэна” нел’ня дёдыше хомана мяналяш”. Мас-рестлинг’ ненэй нэхэдүмпюмад’ ниҗа нянта таслёт’а, правилаңэ паталт патмы тапачалута” тады”. Куше ша-на’кумамтоң таньдет җайта суд’я маньдеҗатоньш. Ман’я” Пюд’яхатана

мэна” спортсмен” чупей” хомана нэхэдүмпюш”.

«Ямал-потомкам!» җалды” җашки” дет тонд’юта Молодёжный’ советхат мэна” нэхэдүмпёш нюңкмана мяналяш”. Шеттуң кашем’дюл” килограмм’ дёдышат җайта спортсмену” поңкна Кад’ясамэхэт мэна Дмитрий Айваседо җайвахай местам канаҗаташ. Дюлкат в’та хамп’яҗк килограмму” шетта неша” поңкна Андрей Вёлло нимимты местам ка’амдыш. Руслан Казымкин шитчет’дю” хамп’яҗк килограмму” шетта спортсмену” поңкна нэхэдүмпёш няхамты ме-стам каннаҗаш. Мяналта” җашки” поңкна пида нэхэтан’ё Богдан Пяк тондаҗаш, пы’та җупчики җайвахай местам канаҗаш.



Татма: «Ямал-потомкам!» Молодёжный совет тамы”

Тадебя џацекы

Лаханакоми манма, џавната хунаната ю" туңгу" илевы". Тыдо' џока нивы" џа", няхар" юр' мян. Ю" туңгу" ямгавахана ёрџа", халяком' пэрџа". Ю" туңгус" няна џоб" туңгус џацекэця иле, ю" потокоця џацекы. Нисяда юңгу, небыда юңгу. Евако џацекы џадсуй паным' мэцеты.

Сяны џэбто' џод" ю" туңгу" ма":

— Хуняна ёрць хантава". Няна" ту", сидна" нядаңгу" нинув".

Туңгус џацекэр ма:

— Тутадм'.

Ти, ю" туңгу" ёрманзь ханя" хань". Пока халям' хада"! Сельбя' иры џэдякы, нумда мер' пэвсюворџа. Нумда пэвсюмзь ю" таңгу" ма":

— Тюку яляхана хадавы халява" џоканю". Тедахав' ханзер' мякна" тэв-раңгуна"? Пелядо' яв' вархана хаёрџа". Тад џани' тутава", няби пелямдо' ханаңгува".

Пацекэн' ма" ним":

— Пыдар яв' вархана хаёдан, халэна" нинав" лэтрамбаңгу". Памгэхэв сармик тоховабта вэнолтаир".

Ю" туңгу" мякандо' хая". Евако џацекы тикахана хай, яв' вархана. Халэдо' лэтрамбю" нив". Тад хонарэй". Юдэрпананда џоб" ла-ханана лаханарха:

— Евако џацекы, тюку яв' вархана пон' нён мы"! Юркад", я' сид ян' хань"! Хэб"нанд маңгбада туңгус' мядм' хоңгун. Таняна иле"! Евако џацекы сиды", сэвда няңгарџа — хибяхарт юңгу. Ихинянда ма: «Хибя лахана-са юдэрпанани? Тарем' малхась: тюку яхад хэб" сава. Пэя, тедахав' хантадм', маңгбада туңгус' мядм' поңгудм'».

Евако џацекы хая, џоб" халяком' ня"амба хая. Сянат хунат мимбата џод" маңгбада мядикоча' нимня џадимя. Тыдо' џамгэхэрт юңгу", мяд' хэвхана няхар" сян ханкоцяри. Яха' вархана џанокоцядо' џади.

Евако џацекы халякомда нё' хэван' мода, мят' тю. Мякана вэса-ку, пухуця илевэхэ', сякавахаюди' падарчихи'.

Вэсаку мамоннда:

— Пухуцёв, хибяхав товы, маян-дорта џацекэця џэрханю". Тикы явна тоява.

Евако џацекы ва"ав' ни' џамды".

Туңгус' вэсаку ма:

— Ненэй џамдакоховами' вуни таня". Ядембада евэйкорим' џорьин.



Нер' поңгармани мальңгана хадавэми џопойри халякоця.

Евако џацекы ма:

— Ирикэ", мань халякоми таня. Мят' тювани нерцю' нё' хэван' мовась. Тедахав' тикым' пирейва".

Тад пиредо'. Пормахадандо' хонэйд". Ева-ко џацекэр вэсаконд си' няна хоны. Пэңада сава, то' танянакы. Хонёбата џод" евако џацекы пи' ямбахана туңгус' сёвна пилипон' самбадорџа, самбадорта џэрха.

Хуркан нумда ялэма. Пухуця, вэсакор

салаба ханимадавэй нив" џа". Сыра' ёльцянд' тамна маси" џока халям' хадаңгуни'.

Ти, сельбя иры' ямбан' вэсаку поңгарџа. Пухуцяда џани' халэда сэротамбида, пэхэ-бида, порцам' сертаби. Евако џацекы вэса-кохоюда нядабасьтыхыюда.

Тад сырэй нувода пййда. Вэсакор поңгар-мамда ёльцеда, поңгамда џыда. Евако џацекы џани' пили" тарця: хонёвахананда туңгус' вадавна самбадорџа.

Вэсакохо' пухуцяха' маңаха":

— Хасава нюми' џамгэ тарця? Тадебя џэвандарха.

Хуняна юркыд". Ева-ко џацекы ма:

— Ирикэ", юдэрпа-нани џока илебця хорам' манэ"џадамзь. Яхакона" малхана сидя юд' мян' илебць' хадырџа. Сидя юд' мян' илебць' таль-няку' тоб", пиркавабат малџэ хадаид".

Вэсаку манма:

— Тарем' мамбат илеб-ця хора" маси" тобсу". Еся џынми таня, тиканда ханеванзь хантанакэдм'. Поб" — сидя хорам' ма-си" хадаңгудм'.

Ов, вэсакор хане-ванзь хая. Яля' ямбан' сыңгрёда юңгу.

Пухуця хонёда џаце-кым' сидеда, ма:


— Ебтов", вэсако-

ми ханеванзь хая, тован' ни харва". Маси" џока илебцям' хадавакы. Хэхэни', хабарць нядабаңгуми'.

Тад хаяха'. Ненэсяри џо" вэсакор сидя юд' мян' илебцям' хадавы. Ю" илебцям' мале хабармы, џанидо' хабармадавэй юсида". Пухуця евако џацекы' ня' хабарта лабтейха". Нумда џули" пэвсюма, џамгэхэрт ни џадио".

(Пелямда џадиманда газетяхана толара")

«Ненецкий фольклор»
толаңгобць' мюд ханавы.
Таймыр' тер, Яр Василий
Дмитриевич' ваде"мы, няданда
К.И. Лабанаускас' падвы



юркьяха'. Евако џацекы тамнахоны. Вэсакорџани' џорць ёльце"махаданда поңгаханда хая.

Яля' ямбан' поңгарџа. Сеней хадабадада џоб" — сидя халяко џэсьты, тедахав' наџэдя џаноко-цямда халяхана пандада. Яха' варан' варета тэвы", тад төрей":

— Пухуцёв, мерку' тальняку' ту"! Тедахав' хадавэми џоканю". Евако нюкця"ени яб ни џа"? Вареми' џэява, тедари'




Хобцоко”

Таслара”, хурка
вада” сюры”?



КА



ДЫ



АД



КЭ



Л

Татьяна Сэротэтто’
сертавы”

Едэй пон’ саць маймби”



Сидяг: Андрей Ткачев тагтавы

Ѓарка пэвдей иры’ юкад вата
няхаромдэй яляхана Ямална”
тодо” хардахана Едэй пом’
ядабтаванзэ мядото’ ядэлави”
поңгы ялэмдэйдонзэ.

Луца яля’ пардаркана пона”
ваераварида хаи. Салыңгардана”
тер” «Геолог»м’ нубета харад’
хэван’ ма”лыць. Тикахана хэ-
бия яля’ нерня җарка паской
хадым’, салабахад сертавы”
җаводикы җабтавыць. Ханяҗы”
мядото’ терсавэй” товыць. Ѓэ-
тансянда яңгусь. Ныланава’ яля-
хана хады’ тодо” тэнз” ламп”
лэё табцдэйдонзэ. Хадыцям’
ялэмда”махадандо’ салабахад сер-
тавы хуркари җамгэри”, җацеки”
сянакулва”, едэйкося” ялэмаць.
Тикы’ хавна товы” мядонди маяб-
тамба сёётана” – сёётать, тарана” –
тараць, сянакубц” җадимдембиць.

Җацеки” Ѓэрм’ сей Иримдо’
манэ”мандо’ сер’ саць маймбиць,
сянако нито’ пумна сюрберҗаць.
Ханяҗыдо’ едэйкурҗаць. Сэвни”
пенё яднахани ненэй нем’ Татъя-
на Сэройм’ ядабтадамзэ. Пыда
тарем’ мась:

–Хусувэй по’ тарця сава ялям’
нива” юрибасето’. Нумда тецяб”
җод”, ню”ни” ня’ товаць. Маня”
җэрм’ терҗэ сырэй тецьдахат
теневава”. Хуркари” җамгэхэ”
лаво”лаңганахани җацекини”
мал’ тодо яхана хая”. Салаба
едэйкулван’ җули” харваць.
Тюку ялям’ җатедонзэ.
Мар”на” тер”, җэрм’ терҗэ
едэй тованда пова” са-
вавна ядабтахава”. Яна”
тер” сенз җэя”.

Лаханакурць ня”мы
нями ненэцие” помна
нюда пюванзэ хаясь.
Ненэсянда едэйко-
ванзэ товы” ситна
мерцяхад ехэрана”

то”олхаць. Маниеб”, җацекеко”
ханаконэ мэтито’ вырнари”,
тёрридо’ соць. Ѓоб” хасава җацеки
тарця вади хэтась:

–Мань Димадм’, еркарами Са-
линдер. Нябимдей классахана
тохолкудм’. Небяни’ ня’ тюкон’
тонинзэ. Хадым’ табцдадонзэ.
Тюкохона тэри савов, ялёв, җока
җамгэм’ манэ”җадамзэ. Небо’
салабахад мивыдо’ яңгаркаць.
Тедяхав ехэрана” скульптура
манэ”сарҗадамзэ. Теневана”, то-
холко нини” ходамзэ. Сянаку-
ваць. Ялэхэ” тюкон’ туртадм’.
Едэйковам’ харвобтадм’. Нюрцям’
җэсеты.

Тарем’ округна” тер” Едэй
пом’ ядабтаванзэ саць маймби”.
Хусувэдо’ тикы’ няю’ җамгэхэвм’
сертаба варемда мэ”җа.

Руфина Окоеттто’ падвы



Сидяг: Руфина Окоеттто’ тагтавы

ОБЪЯВЛЕНИЕ



Ямалхана
СВО’ няна
сайнорта”
ненэцие”,
мято’ тер”
е”эмня
җадимдевы”
няд”ма”

Газета «Няръяна Нгэрм»	Главный редактор Яр Марина Тэтакучевна	ГЕНЕРАЛЬНЫЙ ДИРЕКТОР АНО «Ямал-Медиа» Зулинова Мария Андреевна	№ 51 Подписано в печать 18.12.2025 г. Вышла в свет 20.12.2025 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д. 9, каб. 708).			Тираж 3600 экз. Заказ № 1744 (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунынца, д. 1, каб. 106	Цена годовой подписки 166 руб. 84 коп.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708)			Фактический адрес: 629007, Ямало-Ненецкий автономный округ, г. Салехард, ул. Чубынина, 39А	В розницу не распространяется.
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Газета выходит по субботам.	Адрес редакции: 629003, ЯНАО, г.Салехард, мкр. Богдана Кнунынца, д. 1, каб. 106 тел. +7 (349 22) 4-53-32 E-mail: nn@yamal-media.ru